

2 Wäö

cadota ante nänö ayænta yewæmongainta

**Nöinö mönö änö ante ayæ mönö
waadete pönönö ante**

¹Minitö Wængonguï ingante mîni pönencabo iñöminite botö nê aabo Picæmo mîni änömo inte yewæmömopa. Minitö badä nâni wencabo bai iñöminite tömengä mînitö imînite apænte ængacäimpa. Botö mînitö imînite nö waadete pönëmopa. Wïi botonque waadete pönëminî inte wæætë mönö Codito nöingä nänö waa pöni angainö ante nê ëñëninâni adobai tömënâni tömânâni nâni nê waadete pönëminî iñöminite yewæmömo aedâni. ²Edæ mönö nê Nöingä nänö waa pöni angainö ante entawente quëwëmö inte mönö cöwë ñimpo cädämaï entawencæmöimpa. ³Nê Mæmpocä Wengä Itota Codito tönö Mæmpo Wængonguï tömëna godongämæ waadete pönö cædinque, Quëwencæminîmipa, ante mönö imonte waadete waa cæda beyænque mönö gänë entawencæmöimpa. Inique mönö nê nö pönëmö inte mäninö ante cöwë entawente quëwënömö inte mönö wacä ingä wacä ingä waadete pönëmö incæmöimpa.

⁴Mæmpo Wængonguï mönö imonte nänö, Iïmaï cædâni, ante nänö wææ angainö bai ëñente cædinque mîni pönencabo iñöminî botö, Pancadâniya nöinö cægonte bai quëwënâni, ante ëñënimö inte nanguï tobopa. ⁵Nöwo iñömö mînitö imînite ämo ëñëedâni. Minitö Wængonguï ingante mîni pönencabo iñömö wacä ingä wacä ingä waadete pönëedâni ämopa. Botö ñowo

mänömaï äninque wïi tömëmo wææ änö ante yewæmömopa. Wæætë Awënë do wææ nänö angainö ante wëenëñedë mönö ëñente ængainö ante adodö ante yewæmömo aedâni. ⁶Nê pönënâni inânite mönö waadete pönönö iïmaï impa. Mönö Codito, Iïmaï cædâni, ante nänö wææ angainö ante ëñente cædinque mönö quëwengäimpa. Minitö wëenëñedë do mîni ëñëninö bai wææ äninque tömengä, Minitö cöwë waadete pönente quëwëedâni, angacäimpa.

**Waadäni oda cæcædänimipa,
ante nê cædâni**

⁷Waadäni edæ oda cæcædänimipa, ante nê cædâni nanguï inâni imæca quëwënâni weca gote mä ongönänimipa. Mäninâni iñömö Itota Codito Waocä ëñate pongaingä ingampa, ante änämaï nê inâni inânipa. Æcänö tömënâni bai nê ingä, Waadäni edæ nâni oda cæquinque, ante nê cæcä ingampa. Ayæ, Botö Codito imopa, ante Codito ingante piinte cædongä ingampa. ⁸Minitö iñömö nämä wææ aedâni. Quiëmë cæcæte ante mîni cædinö ante mînitö, Wë womönämaï ingäimpa, ante cædinque wææ cædâni. Wæætë mîni cædinö beyæ Wængonguï nänö pönonguincoo tömancoo eyepæ pönongä æncæte ante cædâni.

⁹Nê pönengä Itota Codito nänö odömonte apænëgainö ante nê ëñëningä incæ wïi godömenque ëñente cædinque wadö ante wadæ gocä iñömö tömengä ædö cæte Wængonguï

tönö godongämä quëwengüingää.
 Wæætë Itota Codito nänö odömonte
 apænegainö ante godömenque në
 ëñente cædongä iñömö tömengä iñömö
 Mæmpocä tönö ayä tömengä Wengä
 tönö godongämä quëwengampa.
¹⁰Wacä mīnitō weca pōnīnque mānīnō
 Codito odömonte apænedāmaī ante
 odömonte apænedāmaī ingampa, ante
 adīnque mīnitō tömengä ingante,
 Botō oncönë pō guīie, ante änāmaī
 iedāni. Ayä, Waa quëwente pōmi, ante
 änāmaī iedāni. ¹¹Edæ adocä ingante
 æcänö, Waa quëwente pōmi, ante
 äna tömengä mäningä wënæ wënæ
 cæyongante tömengä tönö guëa cæte
 baī cæcampa.

Wäö iīnque nänö angainö

¹²Botō mīnitō iīmīnīte godömenque
 nangui äīnīente wæbo incæte mīncayonta
 inte wentamömä yewämöīmä inte
 wiī yewämöīnēmopa. Wæætë mīnitō
 weca ëñacæ pōīnēmō imopa. Ayä
 mīnitō tönö awīncadō awīnca adīnque
 botō apæneīnēmō imopa. Mänōmaī
 cædīnque botō, Mönō godongämä
 eyepä pōnī watapä tocæmōīmpa,
 ante cæbopa. ¹³Mönitō tōnīñamīni
 ëñëedāni. Wængongui ingante möni
 pōnencabo tömengä nänö në ængaimōni
 inte mönitō iñömö mīni pōnencabo
 iñömīnīte, Waa quëwëedāni, ämōnīpa,
 ante yewämömopa.